

ԱԶԳԱՅԻՆ-ԱԶԱՏԱԳՐԱԿԱՆ ՇԱՐԺՈՒՄՆԵՐԸ XIX ԴԱՐԻ 90-ԱԿԱՆ ԹՎԱԿԱՆՆԵՐԻՆ

1. ԹՈՒՐԲԱԿԱՆ ԿԱՌԱՎԱՐՈՒԹՅԱՆ ՀԱՅԱՀԱՆԱԾ ՔԱՂԱՔԱԿԱՆՈՒԹՅՈՒՆԸ ԵՎ ԺՈՂՈՎՐԴԱԿԱՆ ԵՂՈՅԹՆԵՐԸ 90-ԱԿԱՆ ԹՎԱԿԱՆՆԵՐԻ ՍԿԶՐՆԵՐԻՆ

XIX դարի 90-ական թվականներին հայ ժողովրդի տնտեսական ու քաղաքական ազատագրման նշանաբանով ծավալված պայքարը շարունակում էր զբոսնորվել որպես առաջին հերթին թուրքական բռնակալական լծից արևմտահայ ժողովրդի ազատագրման համար մղվող շարժում։ Պետական քաղաքականություն դարձած զանգվածային շարժերը, որպես սարսափելի մի ուրվական, դամոկլյան սրի նման կախված էին արևմտահայության զխիսն։ Չնայած 1878 թ. Բեռլինի կոնգրեսից հետո Հայկական հարցը դադարել էր Թուրքիայի ներքին հարցը լինելուց, սակայն ազգայնական մոլուցքով բռնված թուրք կառավարողների համար նման խնդիր ընդհանրապես զոյաթյուն չունեի։ Հայկական հարցը համարելով Թուրքիայի ներքին գործը և կամենալով խուսափել ինչպես Բեռլինի կոնգրեսի 61-րդ հոդվածով, այնպես էլ 80-ական և 90-ական թվականներին խոստացած կամ ստորագրած բարենորոգումների ծրագրերով կատարվելիք բարեփոխումների կենսագործումից, սուլթանը փորձեց մեկընդմիշտ լուծել այդ հարց-հանգույցը հայերին բնաջնջելու մեթոդով։ Սկսվեց «զուլումի» ժամանակաշրջանը։

Այդ շրջանում պանիսլամիզմն արդեն պարարտ հող էր ստեղծել մի առավել հետադիմական զաղափարախոսություն՝ պանթուրքիզմի համար, որը 80-ական թվականներից սկսած ձևավորվեց որպես համաթուրանական մարտնչող տեսություն։ Պանթուրքիզմի առաջին քարոզիչներից մեկը Իսմայիլ բեյ Գասպիրալին էր՝ (Գասպիրինսկի) Բախչիսարայի թաթար քաղաքացիտը, «Ռուսաստանի մահմեդականները» գրքի հեղինակն ու «Թերզումենի» խմբագիրը։ Նրա հետևորդներն էին՝ Ռուսաստանից Կ. Պոլիս տարագրված Յուսուֆ օղլի Ակչուրան, XIX դարի 90-ական թվականներին Փարիզում հանգրվանած Ահմեդ Ռիզան, Ա. Աղաեը ու Երիտթուրքերի զաղափարական մյուս առաջնորդները։ Նրանց ստեղծած ազգայնական-շովինիստական տեսությունը նպատակ էր դնում ստեղծել համաթուրանական մի պետություն՝ Ղրիմից մինչև Ալթայ, Կազանից Միջերկրական ծով, Կովկասյան լեռնաշղթայից Պարսից ծոց, իսկ այդ տարածքում ապրող մյուս ժողովուրդները դատապարտվում էին բռնի ձուլման կամ ոչնչացման։

Թուրքական իշխանությունները թուրք և բուրգ ժողովուրդներին լարում էին հայերի դեմ, բորբոքում նրանց կրոնական մոլեռանդությունը և կազմակեր-

պում ազգամիջյան ջարդերը Արևմտահայության համար պատուհաս դարձան կայսրության ռազմական հզորության ամրապնդման և Ռուսաստանի դեմ պատերազմ ծագելու դեպքում դրանց օգտագործելու համար երկրի տարբեր մասերում և հատկապես հայկական նահանգներում 1891 թ. ստեղծված ու արյունոտ սուլթանի պատվին «Համիդիե» կոչված քրդական հեծելազորային զնգերը։ Սրանք իրականում պետք է օգտագործվեին հայ ժողովուրդին բնաջնջելու, ինչպես նաև կառավարության դեմ ուղղված կայսրության տարբեր ժողովուրդների ազատագրական շարժումները ճնշելու համար¹։ Համիդիե զնգերի կազմակերպումն իրականացրեց Զեքի փաշան։

Կառավարության գաղտնի ցուցումով մշտապես կատարվող ոճրագործությունների իսկական հեղինակները քուրդ բեյերն էին ու թուրք աղաներն ու նրանց թիկունքին կանգնած տեղական իշխանությունները։ Քուրդ ցեղապետները բացահայտորեն հայտարարում էին, թե իրենց հանձնարարված է ոչնչացնել հայերին²։ Հայկական գյուղերը քրդական հրոսակախմբերի կողմից բարբարոսաբար կոլոսպոլիցիոց ու կիսավեր գաղնալուց հետո, չէին կարողանում վճարել նույնիսկ իրենց հարկերը և հաջորդ տարվա համար անգամ սերմացու չէին ունենում³։

Աղգահալած քաղաքականության իրականացման գործում թուրքական իշխանությունները զգալի տեղ էին հատկացնում նաև խոշոր քաղաքներում կուտակված ապադասակարգային տարրերին։ Հատկապես օգտագործելով ու բորբոքելով այդ տարրերի կրոնական մոլեռանդությունը, կաշառելով ու շոյելով «այդ խուժանին»⁴ կազմակերպում են խժոժություններ ու ազգային ջարդեր։

Նվիրպական և ոռոսական մի խումբ առաջադեմ հասարակական գործիչներ, ուսումնասիրողներ ու ականատեսներ իրենց աշխատություններում ու ճառերում հրապարակեցին թուրքական իշխանությունների գաղափարությունները մերկացնող բազմաթիվ փաստեր, ապացուցելով, որ հայկական ջարդերը կազմակերպվում են սոսկ այն պատճառով, որ հայերը փորձում են պաշտպանել իրենց անձն ու ունեցվածքը։ Նրանք վերստին հաստատում էին այն իրողությունը, որ այդ ջարդերը Օսմանյան կայսրությունում կատարվում էին պարբերաբար՝ «որպես քաղաքական ակտ, կապված հայտնի վարչակարգի հետ և մշտապես կիրառվելով սուլթանի ու նրա խորհրդականների հրամանով կամ ներշնչմամբ»⁵։ Այդ հաստատում էր նաև ֆրանսիական գիվանագետ Ժյուլ Կամբոնը։ «Դիարբեքիրում, էրզրումում, Սվազում, Տրապիզոնում և նույնիսկ Կ. Պոլսում տեղական քրիստոնյաներն ապրում էին մշտապես սարսափի տակ,— գրում էր նա,—...կայսրության ամբողջ տարածքով մեկ մոլեռանդ հրոսակախմբերը հարձակվում էին հայ բնակչության վրա, սպանում, թալանում էին, գողանում կանանց և վաճառում շուկայում՝ որպես ստրկուհիներ։ Իսկ թուրքական ոստիկանության միջամտությունը կատարվում էր այնպիսի ձևերով, «որ հարց էր ծագում, արդյո՞ք այդ մարդասպաններն ու կառավարու-

1 Տե՛ս «Թանրեր Հայաստանի արխիվներ», 1971, № 1 (28), էջ 81—98։

2 Տե՛ս «Положение армян...», стр. 169.


3 Տե՛ս նույն տեղում, էջ 133։

4 К. Маркс и Ф. Энгельс, Соч., том 9, М., 1957, стр. 7.

5 «Положение армян...», стр. 173.

թյունը չէին գործում միասնական և արդյո՞ք չէին համաձայնվել լիովին ոչըն-
չացնել հայ ազգը՝⁶

90-ական թվականների սկզբներից հայկական շարդերն սկսեցին կրել
հաջորդական բնույթ, իսկ 1893—1894 թթ. մինչև 1896 թ. ներառյալ դար-



Ոսնանաբլած սրբարքյուն: Գործ Վ. Սուրենյանցի

ձան առավել զանգվածային ու ահավոր և տարածվեցին հայաբնակ բոլոր
վայրերում:

Սուլթանական բռնապետության կողմից կատարվող համատարած այս

⁶ Жюль Камбон, Дипломат, 1946, стр. 49.

չարդերին դիմադիր ծավալվեց ու նոր թափ ստացավ արևմտահայերի ազատագրական պայքարը։ Ազատագրական ընդդիմաներն ուսելն հերթին բռնկվեցին թուրքական իշխանությունների կողմից չարդերի կազմակերպման առաջնեկներ դարձած այն վայրերում, որոնք հայտնի էին թուրքական բռնակալության դեմ մղած ազատագրական երկարատև պայքարի իրենց ավանդույթներով։

1890 թ. ամռան սկզբներին Կ. Պոլիս հասավ տազնապի մի կեղծ ահազանգ, թե իբր Կարինի (Էրզրում) հայերը քաղաքում զինապահստներ ունեն և ապստամբության են պատրաստվում։ Բ. Դոնից ստացած հրամանի համաձայն, տեղական իշխանությունները խուզարկեցին Սանասարյան վարժարանը, և Աստվածածնի հայոց եկեղեցին, առաջնորդարանը և նրա շրջակայքը, խուզարկություն անցավ անարդյունք, սակայն ունեցավ արյունոտ ավարտ։ Հունիսի 18-ին եկեղեցու բակը խուժած թուրք ոստիկանների ջոկատը հանդիպեց պատարագի եկած բազմության դիմադրությանը։ «Պաշտպան հայրենյացի» ղեկավարներ Խ. Կերեքյանը, Գ. Զիլինկիրյանը, հնչակյան գաղափարներով նոր-նոր ոգևորված Հ. Իշալաջյանը, իրենց մի խումբ ընկերների հետ, երիտասարդության գլուխ անցած դիմադրեցին ոստիկաններին։ Միջադեպը վերածվեց զինված ընդհարման։ Համարյա անզեն ժողովրդի վրա հարձակված ոստիկանները սպանեցին ու վիրավորեցին երկու տասնյակից ավելի հայերի։ Խուզարկություններն ու ձեռքարկությունները շարունակվեցին։ Խ. Կերեքյանին, Հ. Իշալաջյանին ու Հ. Նշլյանին հաջողվեց թաքնվել, իսկ դպրոցի տեսուչ Գևորգ Զիլինկիրյանը խույս տվեց հետապնդումից և անցավ Կովկաս։ Երկու օր անց՝ հունիսի 20-ին իշխանությունների հրահանգով չարդեր կազմակերպվեցին քաղաքի հայկական թաղամասերում։

Այս դեպքերն արձագանք գտան ինչպես արևմտահայության, այնպես էլ արևելահայության մեջ։ Գնահատվելով որպես իր ազատության համար ոտքի էլած բողոքի արդարացի պոսթկոմ, Կարինի ցույցը ոգեշնչման աղբյուր հանդիսացավ հայ մշակույթի բազմաթիվ խոշոր ներկայացուցիչների ու ժողովրդական գուսանների ստեղծագործություններում։

Համոզվելով, որ թուրքական բռնապետության դեմ միայնակ հանդես գալն ու հաղթանակի հասնելը մեծ դժվարությունների հետ է կապված, հայ ազատագրական շարժման գործիչները ժողովրդի պայքարի ու հաղթանակի հեռանկարները կապում էին մեծ տերությունների օգնության հետ։ Այս մտայնությունյամբ էլ Կարինի դեպքերից անմիջապես հետո նրանք ձեռնամուխ եղան ցույցերի ու բողոքագրերի կազմակերպմանը։ Հնչակյանները որոշեցին որպես բողոք Կարինում կատարված խուզարկությունների ու խժոթության, ինչպես և հայ ժողովրդի նկատմամբ տարվող մշտական հալածանքների քաղաքականության դեմ խաղաղ ցույց կազմակերպել Կ. Պոլսում։ Նրանք նպատակ ունեին դրանով նաև բարձրացնել գաղառահայության հոգեկան կորույր և հայերի հարստահարության նկատմամբ անտարբերություն ցուցաբերող մեծ տերությունների ուշադրությունը նորից սեռել Հայկական հարցի վրա։ Պատրաստվեց նաև մի բողոք-պահանջագիր, որը հնչակյան կուսակցության կողմից պետք է ներկայացվեր սուլթանական կառավարությանը։

Սկսվեց ցույցի տենդազին նախապատրաստումը։ Հնչակյան գործիչներ Բ. Խանազատն ու Գ. Կաֆյանը (Շմալոն) շրջում էին Կ. Պոլսում ցրված բազմաթիվ իշխանատները, ոգևորում հայրենակցական խմբերով այնտեղ հանգրգ

վանած գավառացի հայ պանդուխտներին, նրանց բացատրում ցույցի նշանակությունը: 1890 թ. հուլիսի 15-ին Կ. Պոլսում տեղի ունեցավ հայոց մայր եկեղեցու և առաջնորդարանի թաղամասի՝ Գում-Գափուի անունը կրող հանրահայտ ցույցը:

Նկեղեցում պատարագի էր հավարվել հոծ մի բազմություն: Հանկարծ ընդհատվում է ժամասացությունը և լսվում է հայ ժողովրդին ուղղված հնչակյանների կազմած կոչը, որը որպես պահանջագիր պետք է ուղարկվեր սուլթանին: Այն բարձրաձայն կարդում էր Հ. Ծանկույանը, ժողովրդին ոգեշնչելով պայքարել հանուն ազատության: Ապա ցուցարարները ներս խուժեցին պատրիարքարան, որտեղ բաղմոնության ցնծագին աղաղակների ներքո Հ. Ծանկույանն պետական զինանշանը⁷, ցուցարարները ստիպեցին Աշգյան պատրիարքին իրենց հետ գալ պալատ՝ սուլթանին հանձնելու բողոքագիրը: Սակայն ճանապարհին զինված ոստիկանության կրակի տարափի տակ ցուցարարները ստիպված նահանջեցին: Նրանցից մի քանիսը զոհվեցին, իսկ Հ. Ծանկույանը ձերբակալվեց և դատապարտվեց մահվան, որը հետագայում փոխարինվեց ցմահ բանտարկության: Բանտարկության ու աքսորի դատապարտվեցին նաև մի խումբ այլ գործիչներ: Եռանդուն ցուցարարներից մեկը՝ ուսաստապետակ Հակոբ Վարդ-Պատրիկյանը, որը դատարանում հանգես եկավ օսմանյան վարչակարգի մերկացմամբ և պաշտպանեց հայ ժողովրդի արդարացի պահանջները, հանձնվեց ուսական իշխանություններին: Կ. Պոլսից նրուսաղեծ աքսորվեց նաև Մ. Խրիմյանը:

1890 թ. այդ բուռն օրերին Թիֆլիս ժամանեցին արդեն ճանաչված արևմտահայ հայդուկ-գործիչներ Հ. Չաքրյանը՝ Հայտնի «Ջեյթունի իշխան» մականվամբ, Հ. Սարկավազը և Հունոն (Հարություն աղա), որոնք պրոպագանդում էին Արևմտյան Հայաստանում ազատագրական շարժման ու համընդհանուր ապստամբության գաղափար: Արևմտահայերին շուտափույթ օգնության կոչ անելով, նրանք դրամ, զենք ձեռք բերելու և կամավորներ պատրաստելու նպատակով հանդիպումներ ունեցան «Մշակի» խմբագիր Գր. Արծրունու և Թիֆլիսի այլ մտավորականների հետ:

Այդ օրերի նշանակալի իրադարձություններից մեկը, այսպես կոչված, «Կուկունյանի արշավանքն» էր:

Պետերբուրգի բարձրագույն ուսումնական հաստատությունների մի խումբ ուսանողներ, որոնք 80-ական թվականների վերջերին թարգմանում ու հայ ընթերցողին էին հասցնում բուլղարական ազատագրական շարժումներին նվիրված մարտնչուն գրքույկներ և կոչ անում բուլղարների օրինակով պայքարի դրոշ պարզել թուրքական բռնապետության դեմ, որոշեցին զինվել և անցնել Արևմտյան Հայաստան և ցուցաբերել զործնական քայլեր: Այս խմբի ոգին Սարգիս Կուկունյանն էր, 27-ամյա մի երիտասարդ, որ զեն պատանի թողել էր իր հեռավոր Նուխի ու Նիժն, սովորել Գեորգյան ճեմարանում, ապա ավարտել Ներսիսյան դպրոցը և 1885 թ. հաստատվել Պետերբուրգում:

Ս. Կուկունյանի ու նրա համախոհների զործնականության նկատմամբ հետաքրքրություն ցուցաբերեց և ջանաց զորավրդ լինել Կարապետ Էյսանը: Նրան, անշուշտ, հուզում էր Հայաստանի անկախության վերականգնման հն-

ռանկարը: Մի հուլիս, որին փորձում էր ապավինել ռուսական ծառայության մեջ գտնվող հայ պահպանողական ավագանին:

Կ. Նոյանը ծրագրային առաջադրանք էր տալիս Ս. Կուկունյանին. և համոզում էր վերջինիս նախ մեկնել Իրան, պարսից ծառայության մեջ խանի տիտղոս ստանալ, ապա անցնել Վասպուրական և այնտեղից ծավալել հայ ազատագրական շարժումը: Այդ նպատակով Նոյանը պարսկական արքունիքում գտնվող բարձրաստիճան հայերի վրա նույնիսկ որոշ հանձնարարականներ է տալիս Կուկունյանին:

Սակայն «Մշակի» խմբագիր Գ. Արծրունին խելամիտ համարեց Նոյանի «ձգձգված» ծրագիրը: 1890 թ. ամռան սկզբներին իր զինակիցների հետ Պետերբուրգից Քիֆլիս ժամանած Ս. Կուկունյանն այցելեց Գ. Արծրունուն, որը և նրան հորդորեց զինված խմբով անհապաղ անցնել Արևմտյան Հայաստան: Նա Կուկունյանին ու նրա համախոհներին օգնեց նաև զենք ձեռք բերելու գործում: Քիֆլիսում ցնծությամբ ընդունեցին ու ճանապարհեցին Ս. Կուկունյանին ու նրա մարտական ընկերներին: Խումբը ժամանեց Շիրակ: Ալեքսանդրապոլում ու Կարսում աշխատանքներ ծավալվեցին «Ներկիր» անցնելու պատաստվող ջոկատը համալրելու և զինելու համար: Ազեկությունն այնտեղ էր հասել, որ մայրերն իրենց որդիներին բերում և օրհնանքով հանձնում էին Կուկունյանին, իսկ երբեմն էլ զինվորագրվելու ցանկություն էին հայտնում անգամ կանայք: Կարսում վերջնականապես ձևավորված խումբը հասավ ավելի բան հարյուր մարդու, որից շուրջ քսանը՝ ձիավոր: Խմբի անդամներն իրենց ուսերին կրում էին «Մ. Հ.» («Միություն հայրենասերների») տարբերանշանը:

1890 թ. սեպտեմբերի 24-ին Սարգիս Կուկունյանի, նրա օգնականներ Սարգսր Ավետիսյանի ու Աբրահամ Աղամալյանի ղեկավարությամբ խումբը մոտեցավ Թուրքական սահմանին: Խմբի անդամները կրում էին ռուս կողակների ու լազերի տարազ ու ձեռքներին տանում էին Գր. Լուսավորչի ու աղյուծի պատկերներով դրոշներ: Նրանք Արևմտյան Հայաստան էին անցնում քաջ գիտակցելով, որ այլևս վերադարձ չկա, նրանք գնում էին կովելու, հաղթության հասնելու ղեկավարում, ղեկ կռվով մեռնելու:

Թուրքական սահմանն անցած խումբը հանդիպեց ու մարտի բռնվեց բրդական մի քանի հեծյալ ջոկատների հետ Շուտով երևացին նաև Թուրքական կանոնավոր զորամասեր և հայ ռազմիկները ստիպված նահանջեցին դեպի ռուսական սահմանը: Դեպի Կաղզվան նահանջող խումբը ստիպված էր հանձնվել ռուսական սահմանապահ զորքերի հրամանատարությանը: Խմբի զորձեկներույը դիտվեց որպես բրեական հանցագործություն և նրա անդամները կանգնեցին ցարական դատարանի առջև: Երևանի օկրուգային դատարանի 1892 թ. ապրիլ-մայիսին Կարսում հրավիրված նստաշրջանում պաշտոնական փայլուն ճառով հանդես եկավ Օդեսայի համալսարանի իրավաբանական բաժնի շրջանավարտ, Երևանի ինժեանական դպրոցի հոգաբարձու Գաբրիել Մնացականյանը, ապագայի գյուղագիր Գ. Բարկենցը: Նա համարձակորեն հերքեց ցարական իշխանությունների հորինած մեղադրանքները, մատնանշեց քաղաքական նշանակություն ունեցող այն գործոնները, որոնք ստիպել էին հայրենասերների խմբին զենք վերցնել հանուն հայրենիքի փրկության: Զերբակալվածներինց 27-ը դատապարտվեցին 3-ից մինչև 20 տարվա տաժանակրության, 1895 թ. մարտի 1-ին Ս. Կուկունյանն ու նրա ընկերները բռնեցին Սիբիր-Սախալինի տառապալից ուղին: Աբսորի դատապարտվածներից ոմանց հա-

ջողվեց ճանապարհից փախչել⁸։ Ս. Կուկունյանը աքսորից վերադարձավ 1906 թ.։ Սակայն շուտով գյուղացիներին իշխանության ու վաշխատունների դեմ տրամադրելու և այլ մեղադրանքներով նա նորից մի քանի անգամ ձերբակալվեց և 1913 թ. մահացավ Օրյոլի տաժանակիրների բանտում։

Ռուսաստանում ծայր առած հեղափոխական հուժկու շարժումներից ահաբեկված, ցարական կառավարությունը սարսափով էր դիտում նաև նվաճված ժողովուրդների ազգային-ազատագրական ընդլվուսները։ Ցարիզմի համար վտանգավոր էր հայկական շարժումը, որն սկզբնապես հետապնդելով արևմրոտահայերի ազատագրման նպատակը, հետագայում իր մյուս ծայրով կարող էր ուղղվել նաև ցարական բռնատիրության դեմ։ Կայսրության բազմազգ ու բազմալեզու ժողովուրդների սոցիալական ճնշումը ծայրամասերում դուրսբերելով էր ազգային ճնշման հետ։ Ունշացվում, խեղդվում էր ազգային ինքնագիրտակցության, քաղաքական ինքնուրույնության ձգտման նվազագույն դրսևորումն անգամ⁹։

Արևմտահայերի և արևելահայերի ազատագրական պայքարը շարժական էր հայ գործիչների բոլոր ջանքերն իրենց վրա էին բեռնում ցարական իշխանությունների ուշադրությունը։ Այդ ժամանակաշրջանի իրադարձությունները վերլուծող մի փաստաթղթում ցարական շինովնիկներն անհանգստացած ահազանգում էին, որ հեղափոխական-ազատագրական գաղափարները տարածվել են հայ հասարակայնության զանազան խավերի մեջ՝ աղքատ թե ունևոր, արհեստավոր, գյուղացի թե մտավորական¹⁰։

Հայ ժողովրդի դարավոր բաղձանքը հասկանալի և ընդունելի էր միայն այն Ռուսաստանի համար, որը մահու և կենաց կռիվ էր հայտարարել ցարական նեխված վարչակարգին, մարտահրավեր նետել ուսու բյուրոկրատիային՝ հանուն համայն Ռուսաստանի աշխատավոր զանգվածների վերջնական ու լիակատար ազատագրման։ Պատմական դարգացման պրոցեսը տանում էր դեպի ճնշված ազգերի ազատագրում և ազգային ինքնուրույն պետությունների ստեղծում։

Վ. Ի. Լենինը գտնում էր, որ կապիտալիզմի զարգացման հեռանկարի, տնտեսական առաջընթացի տեսակետից իսկ, նոր, անկախ պետությունների ստեղծումը առաջադիմական նշանակություն ունի. «...Բալկաններում,—գրում էր նա,—կապիտալիզմի զարգացման լավագույն պայմաններն ստեղծվում են հենց այդ թերակղզում, այն չափով, ինչ չափով ինքնուրույն ազգային պետություններ են ստեղծվում»¹¹։

Կարևորը ճնշված ազգերի ինքնորոշման իրավունքի ապահովումն էր։ Ուստի Վ. Ի. Լենինը պնդում էր, որ «եթե մենք չառաջադրենք անջատման իրավունքի լոզունգը, մենք ոչ միայն ճնշող ազգի բուրժուազիայի ջրաղացին ջուր չցրած կլինենք, այլև այդ ազգի ֆեոդալների ու արսուլյուսիզմի ջրաղացին»¹²։ Նա մերկացնում ու խարաղանում էր ամեն կարգի կաղնիտների ու անգամ սո-

⁸ Սրանց մեջ էր Նիրեմ Դավթյանը՝ 1905—1911 թթ. իրանական հեղափոխության առաջնորդներից մեկը։

⁹ Տե՛ս Դ. Ա. Галоян, Рабочее движение и национальный вопрос в Закавказье 1900—1922, Ереван, 1969, стр. 3.

¹⁰ Տե՛ս ՀՍՍՀ ԿԳՊԱ, ֆ. 114, ց. 2, գ. 51, թ. 6։

¹¹ Վ. Ի. Լենին, Ներկեր, հ. 20, էջ 497։

¹² Նույն տեղում, էջ 513։

ցիալիզմի փնտրումներով դարդարված այլ կուսակցությունների մեծապետական շտվինիզմը, սոցիալիզմի գործի նկատմամբ դավաճանություն համարում նրանց վարքագիծը, եթե նրանք չեն պաշտպանում Ռուսաստանի ճնշված ժողովուրդների անջատման, նրանց «սեպարատիզմի» իրավունքը:

Երկկողմանի խոցվող հայկական շարժումը ցարական ռեակցիայի առջև նույնպես տեղի չտվեց: Այն բոկոտվում, բայց և ծավալվում, հզորանում էր անընդհատ, հարկավ առաջին հերթին դրսևորվելով որպես արևմտահայ ժողովրդի ազատագրման նպատակին ուղղված մի հերոսամարտ:

1891 թ. հոգեորական Մինաս Տեր-Պետրոսյանը Թուրքիային սահմանակից Կարսի եկեղեցում առավոտյան աղոթքն ավարտելով վարդանանց հերոսներին նվիրված ճառով, հավաքվածներին կոչ էր անում. «Հասել է Հայաստան ստեղծելու ժամանակը, ուշադրություն միք դարձնի ձեր ընտանիքներին, թողեք նրանց և զնացեք օգնելու ձեր եղբայրներին, որոնք գտնվում են թուրքական լծի տակ և կռվեք մինչև ձեր արյան վերջին կաթիլը»¹³, Այս ելույթի համար նա վտարվեց Կարսից: Ավելի ուշ Թիֆլիսում արևմտահայերի օգտին պրոպագանդ մղելու մեջ էին մեղադրվում Լեոն Մանվելյանը, Կոմիտասը և ուրիշներ: 1895 թ. հակաթուրքական տրամադրություններ սերմանելու համար Մետեխի բանտ նետվեց Ալ. Շիրվանզադեն, ապա (1898-ին) երկու տարով աքսորվեց Օդեսա: Բանտարկվեցին և Թիֆլիսից աքսորվեցին Ղ. Աղայանը, Ավ. Իսահակյանը, Ատրպիտը և շատ ուրիշներ:

Բռնություններն ուժեղացան մանավանդ 90-ական թվականների երկրորդ կեսից, երբ վերսկսվեց հայկական դպրոցները փակելու ու եկեղեցական գույքը բռնագրավելու հերթական փուլը, որը զուգակցվեց մամուլի, զրականության նկատմամբ սաստկացող հալածանքներով ու բարեգործական ընկերությունների գործունեության սահմանափակմամբ:

90-ական թվականներին մոլեգնած ռեակցիայի հետ մեկտեղ հզորանում էր նաև ազատագրական շարժման թափը, որը խթանում էր ազգային ինքնագիտակցության բարձրացմանը: Թիֆլիսի ժամդարմական վարչության մի տեղեկագրից երևում է, որ տեղացի հայերը, որոնց ազդանունները վերջանում են ով-ով, այժմ գրանք գրում են հայկական վերջավորությամբ և պահանջում դատարանում մայրենի լեզվով երգվելու իրավունք: Հայերեն լեզուն համարյա մոռացած մտավորականները, անգամ դինվորականները, սկսել էին իրենց երեխաներին հայկական կրթություն տալ՝ հատուկ տնային ուսուցիչներ վարձելով և այլն¹⁴, Գր. Արծրունու թաղումը 1892 թ. վերածվեց դավաճանից ժամանած հայության զանգվածային ըմբոստություն:

Ժողովրդի փրկության ուղիներ էին որոնում Հ. Թումանյանն ու Ավ. Իսահակյանը: Հայրենասիրական քնար էին հնչեցնում Հ. Հովհաննիսյանը, Ղ. Աղայանը, Ա. Ահարոնյանը, Շիրվանզադեն, Լեոնցը, Լեոն: Երիտասարդ Ալ. Մատուրյանը, հաղթահարելով 90-ական թվականների արևմտահայ զնայքերի առթիվ իրեն համակած հոգեկան մղձավանջը, հրաշքով դիմակայող իր ժողովրդին կոչ էր անում հույսը դնել սեփական ուժերի վրա և շարունակել հերոսական պայքարը: Ժողովրդի ինքնաճանաչման ու ինքնապաշտպանության կազմակերպման ուղացած ծրագրով՝ «Սկիզբն երկնաց» վեպով 90-ական թվա-

¹³ ՀՍՍՀ ԿՊՊԱ, Լենինգրադի հավաքածու, № 1, ֆ. 1023, ց. 9, գ. 60, էջ 5:

¹⁴ Տե՛ս ՀՍՍՀ ԿՊՊԱ, ֆ. 114, ց. 2, գ. 51, էջ 3:

կանների շեմից ներս մտավ նաև հայ դրականության «գեղջուկ նահապետը»¹⁴ Պ. Պոռչյանը:

Հարկավ, այդ իրադարձությունները առավել ոգեցունց պիտի լինեին արևմտահայ մտավորականության ներկայացուցիչների՝ Գ. Զոհրապի, Ե. Տևմիր-ճիպաշյանի, Ա. Արփիարյանի, Լ. Բաշլյանի, Տ. Կամսարականի, ապա և Միամանթոյի ու Ա. Զուպանյանի և հայ մշակույթի մյուս երախտավորների համար, որոնք քեպետ ստեղծագործում ու մարտնչում էին, բայց նրանց աչքերի առջև «սուգի երկիր» էր դարձել Հայաստանը, ուր «մոխրի համ մը» կար օդի մեջ, ու «ջարգերի հիվանդ» էին դարձել՝ համատարած:

• • •

Կարինի, Կ. Պոլսի ժողովրդական ցույցերի, Կուկունյանի ձախողված արշավների և մյուս ըմբոստությունների առիթով վերսկսված բռնությունների ու հալածանքների հետևանքով ժողովրդական հուզումներ ու գինված էություններ տեղի ունեցան Թուրքիայի մյուս հայաշատ վայրերում, 1890 թ. Տարոնի Վարդենիս գյուղը հարստահարիչների դեմ գինված զիմադրության առաջնեկներից մեկն էր, ուր Մարգար Ամրոյանի (Մարգար վարժապետ) ղեկավարությամբ ինքնապաշտպանության դիմեցին համարյա բոլոր ղեներ ունեցող գյուղացիները: 1891 թ. սկզբներին կուսակալի ապարանքի ու ուսական հյուպատոսարանի առջև բողոքի խաղաղ ցույց կազմակերպեց Վանի հայ ազգաբնակչությունը: Հրապարակային նման ցույցեր կազմակերպվում էին պարբերաբար և ամենուրեք:

Ժողովրդական այդ ընդվզումների հետ մեկտեղ, 90-ական թվականների սկզբներին շարունակում էին մարտնչել ու հարստահարություններից արևմտահայ խաղաղ ազգաբնակչությանը պաշտպանել հայ ֆեդայիները: Մուշ-Սասունի իրենց մարտական զորքերում էին Բերդակ գյուղը կենտրոն դարձրած սասունցի Արսբուն ու նրա զինակիցները: Երզնկայի ու Սեբաստիայի տարածքում գործում էին Գալուստ Արխանյանի (Մեծուրիի առյուծ), Ռուբեն Շիշմանյանի, Հովհաննես Մինասյանի ղեկավարած հայդուկային խմբերը և ուրիշներ: Ավելի ուշ աչքի ընկավ նաև Դանիել Զաուրի հայդուկային խումբը, որն առավել հայտնի դարձավ Շապին-Կարահիսարի 1895 թ. հերոսական ինքնապաշտպանությունով:

Հայդուկային շարժման մեջ նշանակալի դեր կատարեցին Արամ Աչըզաշյանն ու Հ. Պոյաճյանի եղբայրը՝ Ժիրայրը (Մարտիրոս Պոյաճյան), Վերջինս Կեսարիայի Տերևանք գյուղի եկեղեցու վանահայր Դանիել վարդապետի հետ մեկտեղ ստանձնել էր Թորոս Սառուկյանի և Կյուրեկ Համալյանի ղլխավորած մեծ, ինչպես և փոքր «Չեկլու»-ների կոշվող հայդուկային խմբերի ղեկավարի դերը¹⁵: Սրանք նույնպես հիմնականում գործում էին Կեսարիա—Սեբաստիա—Կյուրին տարածքում: Վասուրականում գործում էին շատախից հայդուկներ Զաթուն ու Շերուն, 1892 թ. սկսած Խնուսում աչքի ընկավ երիտասարդներից կազմված հայդուկային մի խումբ, որն արհաբար մարտնչում էր համիդիականների դեմ, կազմակերպում գավառի աշխատավորության ինքնապաշտպանությունը:

¹⁵ Տե՛ս «Պատմություն Ս. Գ. Հնչակյան կուսակցության», հ. Ա, էջ 113—120:

90-ական թվականների առաջին կեսը նշանակալի էր նաև զինատար խմբերի գործունեությամբ, որոնք Ռուսաստանից և Անգրիկովկասից տարրեր էանապարհնեղով ու միջոցներով զենք էին տեղափոխում «Երկիր»։ Այդ ապագա-բեղում տարվող աշխատանքներն առավել գործուն դարձան, երբ 1891 թ. Քավ-րիդում հիմնադրվեց «Խարխա» զինագործական արհեստանոցը և Անգրիկով-կասից Պարսկաստան, իսկ հետագայում այնտեղից «Երկիր»՝ Արևմտյան Հա-յաստան անցան Վարդան Մեհրաբյանը (Վարդան), Ալեքսանդր Պետրոսյանը (Պետր) և ուրիշներ։ Գլուղացի Մինասի անվան տակ ծալոված Վանից Սալ-մաստ, ապա Քավրիդ անցավ և 1890—1893 թթ. զգալի աշխատանք կատա-րեց նաև Փանոս Թերլեմեզյանը։ Այդ գործին էին նվիրվել նաև երիտասարդ Արմենակ Եկարյանը, Բաֆֆու կրտսեր քույրը՝ Զավահիրը և շատ ուրիշներ։ Եվրոպայից զենք տեղափոխելով էր զբաղված Զեյթունի ապագա հերոսը՝ Ազա-սին (Կարապետ Թուր-Սարգսյան)։

Նախապես Ռիֆլիսում ու Երևանում գործելուց և Տուլայի զինագործարա-նում մասնագիտանալուց հետո Պարսկաստան անցավ ու Քավրիդի զինագոր-ծարանի ղեկավարությունն ստանձնեց երևանցի Գալուստ Ալոյանը։ 90-ական թվականներին զինաշինների էին վերածվել Արաքսի ափին գտնվող ս. Ստե-փանոսի եկեղեցին և Մուշի ս. Կարապետի վանքը։ Այստեղ էր գործում Եռան-դուն վարդապետ Վարդան Հակոբյանը։ Թուրք-պարսկական սահմանագլխին գտնվող և հայդուկների ու զինատար խմբերի համար 1891—1892 թթ. ապաս-տան ու հավաքատեղի դարձած Դերիկի ս. Աստվածածին կիսավեր վանքի վանահայրությունն ստանձնեց հայ ազատագրական պայքարի մեջ իր նախ-կին գործունեությամբ արդեն հայտնի Բագրատ Քավաբյանը։

Սակայն XIX դարի 90-ական թվականների սկզբներին վերելք ապրող հայ ազգային-ազատագրական շարժումը բախվեց սուլթանական մոլեգնող ռեակ-ցիային։ Հայ ժողովրդի հալածանքներն ավելի սաստկացան։ Արգելվեց եկե-ղեցական արարողությունների ժամանակ խոսել հայերի կամ Հայաստանի հետ կապված հարցերի մասին, անգամ անուններ տալ։ Գրանցումները արգելեց բնակավայրերի հայկական անվանումների օգտագործումը, օրինակ, Կարին, Բաղեշ, Տիգրանակերտ և այլն։ Հայ զինվորական բժիշկները հեռացվեցին ռազմական միավորումներից, հայ պաշտոնյաները՝ դատական և մյուս մար-միններից։ 1892 թ. սուլթանի հրամանով դադարեցվեց Միացյալ հայոց ընկե-րության գործունեությունը, իսկ 1893 թ. արգելվեցին Ազգային սահմանադրու-թյան մայիսյան տոնախմբությունները, Լսող լուսյան արգելվեց նաև Ազգային սահմանադրությունն ընդհանրապես, և Կ. Պոլսի հայոց Ազգային ժողովը. մինչև լրիվ խափանումը (1896), մի քանի ոչ լիարժեք նիստեր զուամբեց միայն։ 1897 թ. կառավարական որոշմամբ արգելվեց հայերին զրականության մուտքը Թուրքիա, նոր խստությունների սկսվեցին Թուրքիայում հրատարակվող հայ պարբերականների նկատմամբ։

Բայց առավել սարսափելի զանգվածային ջարդերն էին, որ ձեռնարկվե-ցին ազատագրական շարժումը խեղդելու և Հայաստանը հայաթափ անելու դի-տավորությամբ։

90-ական թվականների սկզբների հայ ազատագրական շարժման համար ռդերբազական էր հատկապես 1893 թ., երբ հայոց հինավուրց աշխարհը ղեռ 1894—1896 թթ. ահասարսուռ ջարդերի նախօրեին դարձավ արյունալի իրա-

դարձությունների թատերաբեմ¹⁶։ Մեկը մյուսի հետից զտ՛վեցին դեռևս 80-ական թվականներից թուրքական բռնապետության դեմ ըմբոստացած ու զինավառ պայքարի էլած բազմաթիվ հայդուկներ ու հասարարական գործիչներ, իսկ թուրքական բանտերը ծայրեծայր լցվեցին հայ «կասկածելիներով» ու նրանց համախոհներով։ Զերբակվեցին այնքան անմեղ մարդիկ, որ թուրքական բանտերն այլևս հնարավորություն չունեին բոլորին պարփակելու իրենց մեջ և հաճախ իշխանությունները ստիպված էին լինում զորանոցներ տրամադրել այդ նպատակին։

Կովկասից «երկիր» վերադարձի ճանապարհին, իր հայրենի լեռներին դեռ չհասած, Խնուսի ու Մուշի միջև ընկած քրդական մի գյուղի մոտակայքում հերոսաբար կռվեց ու յուրայինների հետ նահատակվեց Արարուն 1894 թ. զարնանը Յողզաղում կախաղան հանվեց Ժիրալը։ Օսմանյան զորքերի դեմ Մարզվանում տված անհավասար մարտում նահատակվեցին Բարսեղ Զաքարյանն (ևևն) ու նրա ընկերները, կախաղան բարձրացվեց Տարոնի երիտասարդության դեկավար, վարդենիացի Մարգար վարժապետը։ Սակայն այդ դաժանությունները ոչ թե վճատեցրին, այլ պայքարի նոր ճանապարհ՝ դուրս բերեցին հայ ազատամարտի աննկուն զինվորներին։

2. ՍԱՍՈՒՆԻ 1894 Ք. ՀԵՐՈՍԱՄԱՐՏԸ

Թուրքական կառավարության հայաճալած քաղաքականության դեմ ուղղված ժողովրդական հուլումները լայն թափ ստացան հատկապես Սասունում։

Օսմանյան կայսրության Բիթլիսի կուսակալության Մուշի գավառի, մասամբ նաև Բիթլիսի, Գենջի ու Սղերդի գավառների մեջ մտնող պատմական Սասունը XIX դարի վերջերին ընդգրկում էր շուրջ մեկ տասնյակի հասնող գյուղախմբեր (նահիե)՝ մոտ 35 հազար հայ ազգաբնակչությամբ։ Սասնո ամբողջի միջնադարյան լքված ավերակները հայտնի էին Գավթի քերդ անունով¹⁷։

XIX դարի 80-ական թվականներից սկսած քրդական հրոսակների և կառավարական զորքերի ու ոստիկանության կամայականությունների դեմ ինքնապաշտպանական մարտերով աչքի ընկան Շատախի, Մովսսարի գյուղախմբերի¹⁸, Շենիկի, Սեմալի, Ալիանքի, Տալվորիկի, լեռնաշխարհի կենտրոն համարվող Գելիեզուզանի¹⁹ և Սասունի մյուս շրջանների ու գյուղերի հայ աշխատավոր քնակիչները։ Ըմբոստ լեռնականների ղեկավարությունը ծայրաստիճան սրվեց 90-ական թվականների սկզբներին, երբ կառավարությունը փորձեց կրկնակի զանձել պետական հարկերը, ապա և հաշվեհարդար տեսնել իրավացի բողոքող աշխատավոր գյուղացիներին հետ։

16. S. «Братская помощь пострадавшим в Турнии армянам», М., 1897, ч. II, стр. 91—92.

17. Քերդից քիչ հարավ պահպանվել էր հին Սասուն բնակավայրի փորրիկ մի մասը՝ Քաղ-իկը։

18. Սասունի գավառակի Շատախի շրջանը չպետք է շփոթել վանի Շատախ գավառի հետ։

19. Տալվորիկի ու Գելիեզուզանը ոչ թե գավառակներ կամ գյուղախմբեր էին, ինչպես հաճախ շփոթում և դրում են ուսումնասիրողները, այլ գյուղեր՝ յուրաքանչյուրն իր շուրջ մեկուկես տասնյակի հասնող թաղերով, որոնք նրբամեն հիշատակվում են որպես առանձին բնակավայրեր։